

# 訂餐稿 (供9-12歲學童)

店員：你好！PIZZA屋顧客服務，有咩可以幫到你？

客人：我想叫野食。

店員：速遞定自取？

客人：自取。

店員：好！麻煩想要一d個人資料，請問小姐貴姓？

客人：陳。

店員：請問陳小姐電話幾多號？

客人：1673 4551。

店員：我覆一次，係未1673 4557？

客人：唔係，係1673 4551。

店員：唔好意思！請問陳小姐想要訂咩野食？

客人：我想要一個招牌至尊pizza，要細批，薄底。

店員：會唔會加飯或者意粉？

客人：要個肉醬千層麵同埋海鮮風情焗飯。

店員：有冇其他需要？

客人：想叫埋野飲，2罐橙汁，1罐檸檬茶。

店員：仲有冇其他？會唔會叫埋小食？

客人：有咩小食？

店員：我地而家有3款小食，分別係雞翼拼盤，腸仔拼盤，同埋海鮮拼盤。

客人：咁我分別要個雞翼拼盤同埋海鮮拼盤啊，唔該你。

店員：好，冇問題！仲有冇其他order？

客人：冇啦。

店員：請問需唔需要餐具？

客人：要3份，仲要胡椒同芝士粉。

店員：冇問題！仲有冇其他需要？

客人：冇啦，唔該晒！

店員：多謝惠顧！我而家覆一次訂單你聽。

客人：ok。